



六朝警偶集叙

炎星

復

賜進士出身階中順大夫知寧波府事

刑部郎中雲間鳳峰沈愷撰

叙曰詩以微言風喻緣之性情三百篇尚  
矣風逸而不蕩雅麗而有則頌簡而統要  
義例不同體裁自別漢之蘇李因心師古  
獨超玄乘故其為詩辭質而腴興近而遠  
雖慷慨激烈猶有三百篇之遺魏則直舉  
骨臆閑曠清適雖存之隱冥而風神猶振  
晉緣情述景機秘大露且縟靡未刊而格

致漸衰下逮六朝去古浸遠風流日下倡  
為聲律靡然同風蓋偶麗排巧之習勝而  
溫柔醇厚之體微矣大雅君子若在所棄  
而猶取焉者何夫作非神解詩以感興攻  
尚各殊好賞互異亦其勢也故騷者古之  
變選者騷之變律又選之變其習愈勝其  
變愈奇今夫論詩者往往祖尚唐人片辭  
隻句流布海內爭起濯磨屏棄前好至白  
首吟哦務追並軌其容聲音響稍落凡調  
不類唐語輒為廢詩棄去弗錄嗟乎唐固

華亭徐氏文房

足尚矣然緣裔窮宗要有所自邈流遠  
豈無本源故唐律者後人之軌範也而六  
朝者尤唐之所自出也直以六朝用文以  
掩質故始發而未全唐人由質以成文故  
體備而並美唐太宗雖以英發蓋世一時  
廣倡窮靡極艱要之不出隋陳之習而凡  
其獵秘搜奇洋洋可聽者齊梁人又皆先  
為之矣衍而極于少陵太白風格體裁曲  
盡其變而詩至是彬彬然盛矣無亦六朝  
者乃武德之先驅開元天寶之濫觴乎楚

人有欲知海者不即指海示之曰黃河砥  
柱此海之源也溢而雲夢蕩而震澤雖其  
洪濤巨流變恠百出則固黃河砥柱之支  
也知唐詩之為盛不知唐之所自出殆泛  
雲夢震澤而忘其為黃河砥柱者矣惡乎  
可哉長谷徐子素善詩悟漢精秘契魏本  
宗而猶屬意斯集者夫豈漫有所及也將  
以備天下之大觀因以章唐律固有所祖  
云

六朝聲偶集目錄

卷之一

齊詩

謝朓 共七首

和徐勉出新林渚

離夜

新亭渚別范雲

賽敬亭廟喜雨

詠燭

詠席

詠燈

王融 共四首

明王歌辭

詠琵琶

從武帝琅琊城講武應詔

詠幔

裴讓之

公館譔訓南使徐陵

祖孝徵

從北征

華亭徐氏文房

劉繪

詠萍

北齊

馬元熙

日晚彈琴

楊訓

郡公高宴

劉逖

秋朝野望

劉邈 共三首

浴湯泉

萬山見採桑人

折楊柳

袁爽

從駕游仙

魏收 共三首

庭栢

看柳上鵲

五日

邢子才

三日華林園公宴

卷終

六朝聲偶集卷之一

吳人徐獻忠選

齊詩

謝朓 共七首

和徐勉出新林渚

宛洛佳遨遊  
春色滿皇州  
結軫青郊曲  
迴瞰滄江流  
日華川上動  
風光草際浮  
桃李成蹊徑  
桑榆蔭道周

離夜

玉繩隱高樹  
斜漢映層臺  
離堂華燭盡  
別

愧清琴哀翻潮尚知恨客思眇難裁山川  
不可夢况乃故人杯

新亭渚別范雲

洞庭張樂地蕭湘帝子游雲去蒼梧野水  
還江漢流停驂我悵望輟棹子夷猶廣平  
聽方籍茂陵才見求心中俱已矣江上徒  
離憂

賽敬亭廟喜雨

執玉朝群帝樽桂迎東皇排雲接孔蓋蔽  
日下霓裳會舞紛瑤席安歌繞鳳梁百花

芬綺帳四望霑羽觴

詠燭

杏梁賓未散桂宮明欲沉暖色輕帷裡低  
光照寶琴徘徊雲髻影灼爍綺䟽金恨君  
秋月夜遺我洞房陰

詠席

本生潮汐地落景照參差汀洲蔽杜若幽  
渚奪江籬遇君時採擷玉座奉金卮但願  
羅衣拂無使素塵彌

詠燈

發翠斜溪裡蓄寶宕山峯抽蕙類仙掌街  
光似燭龍飛蛾再三透輕花四五重孤對  
相思夕空照無衣縫

王融 共四首

明王歌辭

明王日月照至樂天地和時息雲門吹復  
聽咸池歌桂序金匏轉瑤軒絲石羅露凝  
嘉草秀烟度醴泉波

詠琵琶

抱月如可明懷風殊復清絲中傳意緒花

裏寄春情掩柳有奇態淒鏘多好聲芳袖  
幸時拂龍門空自生

從武帝琅琊城講武應詔

治兵聞魯策訓旅見周篇教民良不弃任  
智理恒全白日映丹羽頽霞文翠旃凌山  
炫阻甲帶衣被戈舩凝笳鬱摧愴清管乍  
聯綿早逢文化洽復屬武功宣願陪玉變  
理一舉掃燕然

詠幔

幸得與珠綴幕歷君之楹月映不辭卷風



來輒自輕每聚金爐氣時駐玉琴聲但願  
置樽酒蘭缸當夜明

裴讓之

公館讌訓南使徐陵

嵩山表京邑鍾嶺對江津方域殊風壤分  
野居星辰出境君圖事尋盟我恤隣有才  
稱竹箭無■黍絲綸列樂歌鍾響張旃玉  
帛陳皇華徒受命延譽本無因韓宣將聘  
楚申胥欲去秦方期飲河朔翻屬卧漳濱  
禮酒盈三獻賓筵盛八珍歲稔鳴銅雀兵

職坐金人雲來朝起蓋日落晚催輪異國猶  
兄弟相知無舊新

祖孝徵

從北征

翠旗臨塞道靈鼓出桑軋初山歛霧霧瀚  
海息波瀾戍亭秋雨急關門朔氣寒方繫  
單于頸歌舞入長安

劉繪

詠萍

可憐池內萍氛氳紫復青巧隨浪開合能

逐水低平微根無所綴細葉詎須薰凜泊  
終難測留連如有情

北齊

馬元熙

日晚彈琴

上客敞前扉鳴琴對晚暉掩抑歌張女淒  
清奏楚妃稍視紅霞落漸覺白雲飛新聲  
獨見賞莫恨知音稀

楊訓

群公高宴

中郎敷奏罷司隸坐朝歸開筵引貴客饌  
玉對春暉塵起金吾騎花逐令君衣綠酒  
尋為椀鳴琴寶作徽寸陰良可惜千金殊  
易揮

劉逖

秋朝野望

駐車憑險岸飛蓋歷平湖菊寒花稍發蓮  
秋葉漸枯向浦低行鴈排空轉噪鳥若將  
君共賞何處減成隅

劉逖

共三首

浴湯泉

驪岫猶懷土新豐尚有家神井堪消癘温  
泉足盪邪紫苔生石岸黃末擁金沙振衣  
殊未已翻然停使車

萬山見採桑人

倡女不勝愁結束下青樓逐伴西郊路相  
携南陌頭葉盡時移樹枝高乍易鈎絲繩  
挂且脫金籠瀉復妝蚕饑日已暝詎爲使  
君留

折楊柳

高樓千載別楊柳濯絲枝摘葉驚聞駛攀  
枝恨久離年年阻音息月月減容儀春來  
誰不思相思君自知

袁爽

從駕游仙

天游響仙蹕春望動神衷澗水含初溜山  
花發早藂玉輿明淑景珠旗轉瑞風平原  
與上洛佳氣遠葱葱

魏妝

共三首

庭栢

古松圖偃蓋新柏寫爐峯凌寒翠不奪  
暄綠更濃如葉輕沉體咀實化哀容將使  
中臺麝違山能見從

看柳上鵲

背歲心能識登春巢自成立枯隨雨霽依  
枝須月明疑是雕籠出當由抵玉驚間關  
拂條軟廻復振毛輕何獨離婁意傍人但  
未聽

五日

麥涼殊未畢蜩鳴早欲聞喧林尚黃鳥浮

天已白雲辟兵書鬼字神印題靈文因想  
蒼梧郡茲日祀陳君

邢子才

三日華林園公宴

廻鑾自樂野彌蓋屬瑤池五丞接光景七  
友樹風儀芳春時欲遽覽物惜將移新萍  
已冒沼餘花尚滿枝草滋徑蕪沒林長山  
蔽虧方筵羅玉俎激水漾金卮歌聲斷以續  
舞袖合還離

六朝聲偶集卷之一

六朝聲偶集目錄

卷之二

梁詩

梁武帝

和太子懺悔

梁孝元帝 共五十四首

納涼

泛蕪湖

經巴陵行部伍作

寒閨

閨怨

劉生

祀五相廟

和劉尚書兼明堂齋宮

隴頭水

洛陽道

長安路

春夜看妓

別荊州吏民

蕃難未靜述懷

和王僧辯從軍

游後園

晚景游後園

落日射雉

和劉尚書侍講五明集

和鮑常侍龍川館

看摘薔薇

詠石榴

詠陽雲樓簷柳

折楊柳

詠竹

後園看騎馬

和林下妓應令

船名詩

車名詩

賦得蘭澤多芳草

賦得涉江採芙蓉

詠霧

望江中月

詠風

梁簡文帝

共四十五首

晚春時詩

秋詩

秋夜

二首

玄圃寒夕

三日侍宴林光殿曲水作

玩漢水

山池

詠內人晝眠

餞廬陵內史王修

二首

又送別

秋閨夜思

和武帝籍田

守東平中華門開

洛陽道

聽夜妓

詠舞

二首

和武帝講武

奉和登北顧樓

登烽火樓

從頓還城

山齋

喜疾瘳

鏡象

蒙豫懺悔

往席窟山寺

且出興業寺講

望同泰寺浮圖

仙客

折楊柳

詠洲間獨鶴

詠雉

雙燕

西齋行馬

紫騮馬

繫馬

詠蛺蝶

賦棗

賦得舞鶴

聞雞

詠螢火

十月戌寅詩

昭明太子 共二首

詠雪

廣肩吾

共三十八首

和徐主簿望月

詠風

詠花雪

從駕喜雨

奉和便省餘秋

歲盡

七夕

侍九日護

奉和山子納涼

山池應令

奉和汎舟漢水往萬山應教

和劉明府觀湘東王書

和衛尉新渝侯巡城口號

和晉安主簿晚逐涼北樓廻望

侍宴餞湘東王

侍宴餞湘州刺史張續

餞張孝摠應令

侍宴餞東陽太守范子雲

園中冬曉

亂後行經吳郵亭

亂後經夏禹廟

贈周處士

尋周處士弘讓

賦得嵇姑夜



侍宴 共二首

又侍宣猷堂宴湘東王

賦得有所思行 過建昌故臺

詠疏圃堂 竹齋

從皇太子出玄圃

和太子重雲殿受戒

以妾換馬 奉和武帝書

侍宴宣猷堂應令

同蕭左丞詠摘梅花

三日侍蘭亭曲水宴

庾成師

遠期

六朝聲偶集二卷目錄終

六朝聲偶集卷之二

吳人徐獻忠選

梁詩

梁武帝

和太子懺悔

玉泉漏向盡金門光未成  
綰結綺閣人樂周  
流揚梵聲蘭湯沐身垢懺悔淨心  
靈葉草  
獲再解落葉蒙重榮

梁孝元帝 共三十四首

納涼

高春斜日下佳氣滿欄楹池紅早花落水  
綠晚苔生星稀月稍上雲開河尚橫白鳥  
翻帷暗丹螢入帳明珠綦趨北閣織席徙  
南榮金鋪掩夕扇玉壺傳夜聲

泛蕪湖

桂潭連菊岸桃花映李蹊石文如濯錦雲  
飛似散珪梳渡菱根反船去荇枝低颿隨  
迎雨鷺鼓逐伺潮雞

經巴陵行部伍作

涉江望行旅金鉦間采苾水際含天色虹  
光入浪浮柳條怕拂岸花氣盡燠舟叢林  
多故社單戍有危樓

寒閨

烏鵲夜南飛良人行未歸池水浮明月寒  
風送搗衣願織迴文錦因君寄武威

閨怨

蕩子從游宦思妾守房櫳塵鏡朝朝掩寒  
牀夜夜空若非有懽悅何事久西東知人  
相望否淚盡夢啼中

劉生

任俠有劉生然諾重西京扶風好驚坐長  
安恒借名榴花聊夜飲竹葉解朝醒結交  
李都尉遨遊佳麗城

祀五相廟

石城寧足拒金障詎能追楚關開六塞吳  
丘入九圍山水猶縈帶城池失是非空餘  
壽宮在日暮舞靈衣

和劉尚書兼明堂齋宮

質明攝上宰詰旦乘輶軒四圭邸蒼玉六  
變舞雲門香浮鬱金酒烟繞鳳凰樽新花

臨御陌春色起天園河間獻樂語斯道媿  
能論

隴頭水

銜杯別隴頭關路漫悠悠故鄉迷遠近征  
人分去留沙飛曉成幕海氣旦如樓欲識  
秦川處隴水向東流

洛陽道

洛陽開大道城北遶城西青槐喧幔拂綠  
柳逐風低玉珂鳴戰馬金瓜圍塲雞桑萎  
日行暮多逢秦氏妻

長安路

前登灞陵岸還瞻渭水流城形類南斗橋  
勢似牽牛飛軒結良駟寶劍雜輕裘經過  
狹邪裡日暮且淹留

春夜看妓

蛾眉漸成光燕姬戲小堂胡舞開春閣盤  
鈴出步廊起龍調節奏却鳳點笙篁樹交  
臨舞席荷生夾妓行竹密無分影花疎有  
異香舉杯聊轉笑難茲樂未央

別荊州吏民

玉節居分陝金貂揔上流麾軍時舉扇作  
賦且登樓年光徧原隰春色滿汀洲日華  
三翼舸風轉七星遊向解青絲纜將移舟  
桂舟

蕃難未靜述懷

玉節威雲夢金鉦韻渚宮霜戈臨漸白日  
羽映流紅醪結猛將芳餌引群雄箭擁  
淇園竹劍聚若溪銅函觀周王駿多逢鮑  
氏驄謀出河南賈威寄隴西馮溪雲連陣  
合却月半山空樓前飄密柳井上落疏桐

差營逢霖雨立壘掛長虹

和王僧辯從軍

山虛和鏡管水靜寫樓船連雞隨火燧燧  
象帶烽然洞庭曉風急瀟湘夜月圓荀令  
多文藻臨戎賦雅篇

游後園

暮春多淑氣斜影落高春日照池光淺雲  
歸山望濃入林迷曲徑度渚躍危峯

晚景遊後園

高軒聊騁望煥景入川梁波橫山渡影雨

罷葉生光日移花色異風散水文長

落日射雉

促宴引枚鄒中園觀獸侯日度朔陰廣風  
橫旗影浮移等標入箭疊鼓送爭籌附枝  
時可息言從清夜遊

和劉尚書侍講五明集

汲引留宸鑒舟航動睿情法王惟一灑無  
生信不生日宮佳氣滿月殿善風清綺錢  
敞西觀緹幔卷南榮

和鮑常侍龍川館

珍臺接閒館迢遞山之旁多解三真術俱  
善四明方玉題仙篆金榜燭神光桂影  
侵檐進藤枝遶檻長苔文隨溜轉梅氣入  
風香

看摘薔薇

倡女倦春居迎風戲玉除近叢看影密隔  
樹映釵踈橫枝斜縮袖嫩葉下牽裾墻高  
舉不及花新摘未舒莫疑揮鬢少分人猶  
有餘

詠石榴

塗林未應發春暮轉相催燃燈疑夜火連  
珠勝早梅西域移根至南方釀酒來葉翠  
如新剪花紅似故栽還憶河陽縣映水珊  
瑚開

詠陽雲樓簷柳

楊柳非花樹依樓自覺春枝邊通粉色葉  
裏映紅巾帶日交簾影因吹掃席塵拂簷  
應有意偏宜堯李人

折楊柳

巫山巫峽長垂柳復垂楊同心且同折故

人懷故鄉山似蓮花艷  
流如明月光寒夜  
猿鳴徹游子淚沾裳

詠竹

嶰谷管新抽淇園節復修  
作龍還葛水爲馬向并州  
柯亭臨絕澗樾枝夾細流  
冠學芙蓉樣花堪威鳳游  
邛王若有獻張騫應拜候

後園看騎馬

良馬出蘭池連翩驅桂枝  
鳴珂隨躡蹻輕塵逐影移  
香來知驟近汗斂覺風吹  
遙望

黃金絡懸識幽并兒

和林下妓應令

日斜下北閣高宴出南榮  
歌清隨澗響舞影向池生  
輕花亂粉色風篠雜弦聲  
獨念陽臺下願待洛川笙

船名詩

天際浮雲飛玉翼自相追  
池邊白鵠舞林深青雀歸  
松澗流星影桂息斜月暉  
思比無情極高樓淚染衣

車名詩



長墟帶江轉連夢映日分佳人坐椒屋接  
膝對蘭薰繞砌縈流水邊梁圖書雲錦色  
懸殊衆衣香遙出群日暮輕帷下黃金忘  
贈君

賦得蘭澤多芳草

春蘭本無絕春澤最歲蕤燕姬得夢罷尚  
書奏事歸臨池影入浪從風香拂衣當門  
已芬馥入室復芳菲蘭生不擇徑十步豈  
難稀

賦得涉江採芙蓉

江風當夏清桂棹逐流縈初疑京雉劍復  
似漢冠名荷香風送遠蓮影向根生葉卷  
珠難溜花舒紅易輕日暮鳧舟滿歸來度  
錦城

詠霧

曉霧晦階前垂珠帶葉邊五里浮長隰三  
辰晦遠天傍通似佳氣却望若飛烟踈簾  
還復密新棟更疑連遠思逢樂廣能令雲  
霧褰

望江中月

澄江涵月影水影若浮天風來如可汎流  
急不成真秦鏡斷復接和璧碎還聯裂紈  
依岸草斜桂逐行船即此清江上無候百  
枝然

詠風

樓上起朝粧風花下砌傍入鏡先飄粉翻  
衫好染香度舞飛長袖傳歌共繞梁欲因  
吹少女還將拂大王

梁簡文帝

共四十五首

晚春時詩

紫蘭葉初滿嬌鶯啼不稀石蹲還似獸蘿  
長更勝衣水曲文鯨聚山暝雅鳥飛渚浦  
變新節巖桐長舊圍風花落未已山齋開  
夜扉

秋詩

羽翼晨猶動珠汗晝恒揮秋風忽嫋嫋向  
夕引涼歸浮陰即染浪清氣始乘衣卷幌  
通河色開窻引月輝晚花闌下照踈螢簾  
上飛直置猶如此何況送將歸

秋夜

二首

高秋度函谷墜露下芳枝綠潭倒雲氣青  
山銜月規花心風上轉葉影樹中危外游  
獨千里夕歎誰共知

螢飛夜的的虫思夕嚶嚶輕露沾懸井浮  
煙入綺寮檐重月沒早樹密風聲饒池蓮  
翻罷葉霜篠生寒條端坐彌茲漏離憂積  
此宵

玄圃寒夕

洞門扉未掩金壺漏已催曛烟生澗曲暗  
已起林隈雪花無有帶冰鏡不安臺堦楊  
始倒挿浦桂半新栽陳根萎落蕙細蘂發  
香梅鴈去啣蘆上猿戲繞枝來

三日侍宴林光殿曲水作

芳年留帝賞應物動天襟挾苑連金陣分  
衢度羽林帷宮對廣掖層殿邇高岑風旗  
爭曳影亭臯共生陰林花初墮蒂池荷欲  
吐心

玩漢水

雜沓崑崙水泓澄龍首渠豈若茲川麗清  
流疾且徐離離細磧淨藹藹樹陰䟽石衣

隨溜卷水芝扶浪舒連翩寫去檝鏡澈倒  
遙墟聊持點纓上於是察川魚

山池

日暮芙蓉水聊登鳴鶴洲飛鱸飾羽毳長  
幔覆緹紉停輿依柳息住蓋影空留古樹  
橫臨沼新藤上桂樓魚游向暗集戲鳥逗  
楂流

詠內人晝眠

北窓聊就枕南簷日未斜攀鉤落綺帳插  
揆舉琵琶夢笑開嬌壓眠鬟壓落花簾文  
生玉腕香汗浸紅絛夫婿恒相伴莫惱  
倡家

餞廬陵內史王修

餞行臨上節開筵命羽觴迴池瀉飛楸灑  
雲垂畫堂踈槐未合影反日暫流光園  
歛新艷階蕙結初芳

又

行樂南北皮宴餞臨華池簿解篁開篔簹  
閣鳥迷枝窻陰隨影度水色帶風移律  
銜杯酒終成憫別離

又送別

行行異泝海依依別路岐水苔隨纜聚  
柳拂舟垂石菌生懸葉江槎流卧枝燭盡  
悲霄去酒滿惜將離

秋閨夜思

非關長信別詎是良人征九重忽不見萬  
恨滿心生夕門掩魚鑰宵牀悲畫屏迴月  
臨階度吟蟲繞砌鳴初霜墮細葉秋風吹  
亂螢故裝猶累日新衣製未成欲知妾不  
寐城外搗砧聲

和武帝籍田

禮經聞往說觀寶著華篇豈如春路動祈  
穀重民天三春潤蕙莢七月待鳴蟬鯨魚  
顯嘉瑞銅雀應豐年不勞鄭國雨無榮鄴  
令田

守東平中華門開

脂車向馳道忽轡息中華洛關猶待漏文  
戟未通車簿雲初啓雨曙色始成霞塹流  
鋪紫若城風泛橘花弦誦終無取顧已自  
懷嗟

洛陽道

洛陽佳麗所大道滿春光  
游童時挾彈蚕妾始提筐  
金鞍照龍馬羅袖拂春桑  
玉車爭曉入滿果溢高箱

聽夜妓

合歡蠟忿菜萱草忘憂條  
何如明月夜流風拂舞腰  
朱唇隨吹盡玉釧逐弦搖  
留賓惜別弄負態動餘嬌

詠舞

戚里多妖麗重娉蔑燕餘  
逐節工新舞嬌

態似凌虛納花承  
禡概垂翠逐璫舒  
扇開衫影亂巾度  
履行踈徒勞交浦  
憶自有專城居

又

可憐稱二八逐節似飛鴻  
懸勝河陽伎闈與淮南同  
入行看履進轉面望鬢空  
腕動若華玉衫隨如意風  
上客何須起啼鳥未肯終

和武帝講武

校尉開踈勒將軍定月支  
南通新息柱北

屈武陽碑豫游戲馬館教戰昆明池銀塘  
寫清渭銅鈎引直漪常從良家子命中  
并兒金鞍飾紫珮玉燕帖青驪車書今已  
共願奏云亭儀

又

祭壺今息鼓董案或開帷聊舉青龍陣正  
取絳宮時犒兵隨後拒輶祭逐前師  
初露節步陳始分旗

奉和登北顧樓

春陵佳氣地濟水鳳凰宮况此徐方域川  
嶽邁同漣皇情愛歷覽游陟擬崆峒聊驅  
式道候無勞襄野童霧崖開早日晴天歇  
晚虹去帆入雲裏遙星出海中

登烽火樓

聳樓排樹出却堞帶江清陟峯試遠望鬱  
鬱盡郊京萬邑玉畿曠三條綺陌平巨原  
橫地險孤嶼派流生悠悠歸棹入耿耿去  
帆驚水烟浮岸起遙禽逐霧征

從頓還城

漢渚水初綠江南草復黃日照蒲心暖風

吹梅葉香征艫艫湯漜歸騎息金隍舞觀  
衣恒襞歌臺絃未張持此橫行去誰念守  
空牀

山齋

玲瓏繞竹澗閒關通槿蕃缺岸新成浦危  
石久爲門比榮下飛柱南柯吟夜猿暮流  
澄錦積晨冰照采鸞

喜疾瘳

朝寢猶掩扇宿幔未懸鈎逍遙臨四注兼  
得散九愁雖同衛子憊聊喜摯生瘳災星

夜出境鳴禽晚去樓蠲邪無買服祆氣息  
梁牛隔簾蔭翠蓀映水含朱榴丹經蘊玉  
笥玄水出長洲結友尋方岳採藥訪圓丘  
神隨七星變貌逐五雲留飛鴻若可駕輕  
簪必欲抽

鏡象

精金宛成器懸鏡在高堂後挂七龍網前  
發四珠光迥望疑垂月傍瞻譬壁璫仁壽  
含萬類淮南辯四鄉終歸一無有何關至  
道塲



蒙豫懺悔

皇情矜幻俗聖德愍重昏制書開攝受絲  
綸廣慧門時英滿君囿法似盛天園俱消  
五道縛共蕩四生寃三循祛愛馬六念淨  
心猿庭深仗采艷地瘖伎聲喧上風吹法  
鼓垂鈴鳴畫軒新梅含未發落桂聚還翻  
早燈藏石磴寒潮浸水門一期蒙誘善劣  
願遣籠樊

往虎窟山寺

細松斜繞徑峻嶮半歲天古樹無枝葉荒  
郊多野烟分花出黃鳥挂石下新泉蒼  
均雙樹清靈類八禪栖神紫臺上縱意白  
雲邊徒然嗟小藥何由齊大年

旦出興業寺講

沐芳肅朝帶駕言祇淨宮羽旗承去影鏡  
吹雜還風吳戈服箭驥馬綠沉弓水照  
柳初碧烟含桃半紅見鶴徒知謬察象理  
難同方知惡四辯奚用語三空

望同泰寺浮圖

遙看官佛圖帶壁復垂珠燭龍踰漢女寶

鐸邁昆吾日起光芒散風吟宮徵殊露落  
盤恒滿桐生鳳不雛飛幡雜晚虹音畫畫鳥  
狎晨鳧梵世臨空下應真蔽景趨帝馬咸  
千轡天衣使六銖廣樂開長表多寶現金  
軀能令苦海渡復使慢山踰願能周四忍  
長當出五居

仙客

漆水豈難變桐刀乍可揮青書長命錄紫  
水芙蓉衣高翔五岳小低望九河微穿池  
聽龍長叱石待年歸酒闌時節又槌生歲

月稀

折楊柳

楊柳亂成絲攀折上春時葉密鳥飛礙風  
輕花落遲城高短簫發林空盡角悲曲中  
無別意併是爲相思

詠洲間獨鶴

遠霧日氛氲單飛纔可分孤鷺宿嶼浦霸  
淚下江濱意惑東西水心迷四面雲誰知  
獨辛苦江上念離群

詠雉

晨光照麥畿平野度春暈避鷹時聳角妬  
壘或斜飛少年從遠役有恨意多違不如  
隨遊蕩羅袂拂塵衣

後四句似與前不押六朝詩無入情景如此者

### 雙燕

雙燕有雄雌照日羽差池銜花落北戶逐  
蝶上南枝桂棟本曾宿虹梁早自窺願得  
長如此無令雙燕離

### 西齋行馬

晨風白金絡桃花紫玉珂影斜鞭照曬塵  
起足蹉跎任俠稱六輔輕薄出三河風吹

鳳凰袖日映

靴遠江艦舳少遙山烟

霧多雲開瑪瑙葉水淨瑠璃波廣路拂青  
柳迴塘繞碧莎不効孫吳術寧須趙李過

### 紫駟馬

賤妾朝下機正值良人歸青絲懸玉蹬朱  
汗染香衣驟急珂彌響跳多塵亂飛雕菴  
辛可薦故心君莫違

### 繫馬

華驪沉赭汗綠地懸花蹄未垂青鬃尾猶  
掛紫韉泥蹠足絆中憤搖頭橋上嘶紫關

如未息直去取榆溪

詠蛺蝶

空園暮烟起逍遙獨未歸翠鬣藏高柳紅  
蓮拂水衣復此從風蝶雙雙花上飛寄語  
相知者同心終莫違

情景俱入詠物如此  
者在時作少見

賦棗

浮華齊水麗垂彩鄭郁奇白紛英靡靡紫  
色標離離風搖羊角樹日映雞心枝穀城  
踰石蜜蓬岳表仙儀已聞安邑美永茂玉

垂

賦得舞鶴

來自芝田遠飛渡武溪深振迅依吳市差  
池逐晉琴竒聲傳迥澗動翅拂花林欲知  
情物外伊今有清潯

闔雞

歡樂良無已東郊春可遊百花非一色新  
田多異流龍尾橫津漢車箱赴戍樓玉冠  
初警敵芥羽忽猜傳十日驕既滿九勝勢  
恒適脫使田饒見堪能說魯侯

詠螢火

本將秋草竝今與夕風輕騰空類星實拂  
樹若花生屏疑神火照簾似夜珠明逢君  
拾光彩不怯此身輕

十月戊寅詩

喧塵是時息靜坐對重巒冬深柳條落雪  
後桂枝殘星明霧色盡天白鴈行單雲飛  
乍想閣冰結遠疑紈晚橘隱重屏枯藤帶  
迥竿岳陰連水氣山峯添月寒

昭明太子

共二首

林下妓

炎光向夕歛徒宴臨前池泉將影相得花  
與面相宜箎聲如鳥咲舞袖寫風枝歡樂  
不知醉千秋長若斯

詠彈箏

故箏猶可惜應度新人邊塵多澁移柱風  
燥脆調弦還作三州曲誰念九重泉

庾肩吾

共三十八首

和徐主簿望月

樓上徘徊月窻中愁思人照雪光偏冷臨  
花色轉春星流時入暈桂長欲侵輪願以

重光曲承君歌扇塵

詠風

宋地鷓初飛湘川燕起餘掃壇聊動竹吹  
薤欲成書蒼梧洞猶在念浦樹應踈陽鳥  
一轉翅千里定非虛

詠花雪

瑞雪墜堯年因風入綺錢飛花灑庭樹凝  
瑛結井泉寒光晦八極同雲暗九天已飄  
黃竹路共慶白渠田

從駕喜雨

西岳浮樽桂東皇事浴蘭赦詔還京兆歸  
神出灌垓濕風含洒氣陰雲助麥寒典農  
欣受職治粟喜當官復此隨車雨民知天  
可安

奉和便省餘秋

前對金精坂傍臨圓水池照影礙浮葉看  
山通迥枝鴈行連霧盡雨足帶雲移

歲盡

歲序已云殫春心不自安聊開栢葉酒試  
奠五辛盃金薄圖神鷲朱泥印鬼丸梅花

應可折倩爲雪中看

七夕

玉匣卷懸衣高樓開夜扉  
姮娥隨月落織女逐星移  
離前念促夜別後對空機  
倩語雕翎鵲填河未可飛

侍九日讌

轍迹光周頌巡游盛夏功  
鈞陳萬騎轉闔闔九關通  
秋暉逐行漏朔氣遶相風  
獻壽重陽節廻鑾上苑中  
疏山開輦道閒樹出離宮  
玉醴吹巖菊銀牀落井桐  
飲羽山西射浮雲冀北馳  
塵飛金埒滿葉破柳條空

奉和山子納涼

北園涼氣早步輦暫逍遙  
避日交長扇迎風列短簫  
山帶彈琴曲桐橫栖鳳條  
懸門開溜水錦石鎮浮橋  
黑米生菰葑青花出稻苗  
無因學仙藻雲氣徒飄颻

山池應令

閨苑秋光暮金塘牧潦清  
荷低芝蓋出浪湧鷺舟輕  
逆湍留棹唱帶谷聚笳聲  
野竹橫臨浦山桐迥出城  
水逐雲峯閣寒隨殿

影生

奉和汎舟漢水往萬山應教

桂棹駕棠船飄揚橫大川映巖沉水底激  
浪起雲邊迴岸高花發春塘細草懸陪歌  
承睿賞接醴侍恩筵誰云李與郭獨得似  
神仙

和劉明府觀湘東王書

陳王擅書府河間富典墳五車方累篋七  
閣自連雲松槩芳帙氣栢燠許運反起厨文  
羽陵青簡出媯泉綠字分方因接游聖暫

得奉朝聞峯樓霞早發林殿日先曛洛城  
復接限歸軒畏後羣

和衛尉新渝侯巡城口號

維城寄右戚巡警屬勤王南瞻通灞岸北  
眺指橫芒入漢飛延閣臨雲出建章步逐  
天津遠城隨秋夜長露槐落金氣風窸上  
新涼

和晉安主簿晚逐涼北樓迴望

向夕紛喧屏追涼飛觀中樹影臨城日窻  
含度水風逢天如接岸遠帆似凌空陪文



慙宋玉徒等侍蘭宮

侍宴餞湘東王

陳王從游士高宴入承華並載同連璧雕  
文類簡沙落後時動樹墜雪暫搖花念此  
離筵促方愁別路賒

侍宴餞湘州刺史張續

洞庭資善政層城送遠離九歌揚妙曲八  
桂動芳枝雨足飛春殿雲峯入夏池郢路  
方遼遠湘山轉蔽虧何當好風日極望長  
沙陲

餞張孝摠應令

江上早寒生蕭條鏡管清別筵開帳殿離  
舟卷幔城前山黃葉起對岸白沙驚臨澗  
同極望竊吹愧才輕

侍宴餞東陽太守范子雲

東郡資良守北宮敦獻酬新枝漸接樹故  
凍欲含流早花少餘雪春寒極晚秋徒嗟  
白岸遠空想赤松遊

閨中冬曉

鄰雞聲已傳愁人竟不眠月光侵曙後霜

明落曉前縈髮起照鏡誰忍槩花鈿

亂後行經吳郵亭

郵亭一廻望風塵千里昏青袍異春草白  
馬即吳門獯戎鞭伊落雜種亂輾轅輦道  
同關塞王城似太原休明鼎尚重秉禮國  
猶存殷牖爻雖蹟堯城史轉尊泣血悲東  
走橫戈念北奔方憑七廟畧誓雪五陵冤  
人事今如此天道共誰論

亂後經夏禹廟

金簡泥初發龍門鑿始通配天不失舊為  
魚微此功林塘上偃蹇山殿下守窟侵雲  
似天闕照水類河宮神來蓬萊赤豹仙去擁  
飛鴻松龕撤暮俎棗徑落寒藜仙舟還入  
鏡玉軸更乘空去國嗟行邁離居泣轉蓬  
月起吳山北星臨天漢中申胥猶有志荀  
息本懷忠待見挽槍沒歸來松栢同

贈周處士

九丹開石室三徑沒荒林僊人翻可見隱  
士更難尋籬下黃花菊丘中白雪琴方欣  
松葉酒自和遊山吟

尋周處士弘讓

試逐赤松游披林對一丘梨紅太谷晚桂  
白小山秋石鏡菱花發桐門琴曲愁泉飛  
疑度雨雲積似重樓玉孫若不去山中定  
可留

賦得嵇叔夜

山林重明滅風月臨囂塵著書惟隱士談  
玄止谷神鴈重翻傷性蠶寒更養身廣陵  
餘故曲山陽有舊隣俗儉寧妨患才多反  
累身寄言山吏部無以助庖人

侍宴

本道逢將聖飛觴屬上賢仁風開美質瑞  
氣動非煙秋樹翻黃葉寒池墮黑蓮承恩  
謝命淺念報在身前

又

副君昨暇豫會城聊近游清池寫飛閣疎  
樹出龍樓北陸氷方壯西園春欲周梅心  
芳屢動蒲節促難抽徒然頌並命無以廁  
應劉

又侍宣猷堂宴湘東王

陳王駿駕反副后西園游並命登飛閣列  
坐對芳洲桂巖逢暮序菊水值窮秋竹徑  
蕭聲發桐門琴曲愁徒奉文成誦空知思  
若抽

賦得有所思行

佳期竟不歸春物坐芳菲拂匣看  
箱見別衣井桐生未合宮槐卷復  
啣泥燕從來相逐飛

過建昌故臺

魯國觀遺殿韓城想舊臺仲宣原隰滿子

建悲風來夏蓮猶反植秋窻尚左開圖雲  
仍溜雨畫石即生苔及君歡四望知余  
七哀

詠疏圃堂

北堂多暇豫時駕物鸞鑣露繁葭水澈輪  
輕羽蓋飄臨空坐飛觀迴首望浮橋風長  
曙鍾近地迥洛城遙疎林不碍日涸浦暫  
通潮徒然等賓從並作愧羣僚

竹齋

百拱橫筇節千櫨跨篔簹迴龍仍作柱通

笛且成藥向嶺分花徑隨階轉藥欄蜂歸  
憐蜜熟鷺入巢乾欲仰天庭挾終如學  
步艱

從皇太子出玄圃

春光起麗譙屣步陟山椒閣影臨飛蓋鶯  
鳴入洞簫水環澄故渚樹長蔭前橋綠荷  
生倚葉丹藤上細苗顧循慙振藻何用擬  
瓊瑤

和太子重雲殿受戒

皇明執東曜帝宸居北辰小乘開治道大  
覺拯蒼民殊塗義路分流合智津傳香  
引上德列伎進名臣連閣翻如畫圖雲更  
似真鏡山榭殿影梅梁落梵塵苑桂恒留  
雪天花不待春萬年逢瑞應千生值法身  
雲衣初拂石豆火欲焚薪重善終無報輕  
毛庶有因

以妾換馬

渥水出騰駒湘川實應圖來從西北道去  
逐東南隅琴聲悲玉匣山路泣靡蕪似鹿  
將含笑千金會不俱

奉和武帝苦旱

陽山蛇不蟄，迦澤鳥猶攢。暫息流膏雨，將  
似怨初寒。文衣夜不卧，䟽食晝忘餐。絜誠  
同望祀，惟馨等浴蘭。江蘋享上帝，荆壁奠  
高巒。繁雲興岳立，蒸穴動龍蟠。渭渠還積  
水，滌池更起瀾。

侍宴宣猷堂應令

副君德將聖，陳王才揆天。歸來宴平樂，置  
酒對林泉。爐香雜山氣，殿影入池蓮。艷舞  
時移節，新歌屢上弦。聽曲慙迴顧，思徒

欲眠

同蕭左丞詠摘梅花

窻梅朝始發，庭雪晚初消。折花牽短樹，幽  
叢入細條。垂冰溜玉手，含凍刺春腰。遠道  
終難寄，馨香徒自饒。

三日侍蘭亭曲水宴

螢星依夜動，鑿駕揔朝游。旌旆臨花樹，霜  
風出鳳樓。春生露泥泥，上聲天覆雲油油。桃  
花生玉澗，柳葉暗金溝。襖川分曲洛，帳殿  
掩芳洲。踊躍頰魚醉，參差絳棗浮。百戲俱

臨水千鍾共逐流

度成師

遠期

憶別春花飛已見秋葉稀  
淚粉羞明鏡愁帶減寬衣  
得書言未及夢見道應歸  
坐使紅顏歇獨掩青樓扉

長水書院刻

六朝聲偶集卷之二

